




陳氏宗譜

閩字號

貞節祀



貞烈

烈女有死者有守死者死者烈守死者節也烈者則以
事勢遇迫鋒刃水火在前思此身繫綱常之重決不可
污辱捐之以蹈白刃赴水火而不辭此烈丈夫之爲也
固可錄而無疑者至守節嬪當少女失其所天而甘心
秉節勵行甚有托無遺孤煢仉子影歲磨月煉不爲觸
時感物而變自非剛心烈氣安能割情忍欲以止於義
理此丈夫之所難敢望之女子乎要之烈者烈矣守節
非烈不能也族有若女若婦所係不小特書之以垂憲
後人

僞之女名月娥年甫笄且殊色嘉靖四十年辛酉流賊
入境慌走至溪邊黃石後無一脫者賊脇以刃堅拒
不從諸婦曰姑從以緩死女號泣怒詈爪賊面流血
投身入河賊以器械鈎其衣曳上被害

萬曆丙午士夫耆老重其有裨於名教迎其神主於貞
烈祠春秋歲祀之

都人梅崗贈以聯

罵賊殺身正氣不磨千古在

垂名永誌彝倫俎豆萬年新

銓之妻鄭氏年三十上嘉靖四十年流賊執其母女鎖

於空房氏度不免死遂解脚帶令女先縊仍自縊之
都人重其雙烈祀之

永崇女配龍屢黃貞勝未幾夫病不痊姑舅以爲婦命
所招令回母家遂廢寢食顏色憔悴朝夕藥餌令童
供饋以訊起居數閱月而夫卒聞訃奔赴慟哭幾絕
誓死以殉凡歛具悉經已手事畢乃沐浴更衣拜辭
公姑至夜縊於柩側

正德中上其事九年巡憲查約爲之立祠於安砂東門
接官亭祀之 匾其祠額曰貞烈

查公題曰

空堂吊影爲亡人百計無如一死真千載栢舟應
絕筆不圖永有玉田陳

人間處處觀音閣天下寥寥節婦祠除却金身祠
木主不知公論是耶非

漢杜妻鄭氏安砂人名桂女方年念六丙戌二月寇盜
充斥鄭氏同女夏蟾方六歲暨被獲賊欲污之鄭氏
佯許曰待女熟睡相從賊不之防將女縊死氏遂自
縊同時有黃尾四妻鄭冬女者亦遇賊逼合同行抵
死不前肆罵不絕賊怒剗其孕死之邑侯徐起霖令
合塋題名雙烈墓

時贊以詩曰

天賦貞姿不等閑渠兇安得脇爲懽但知有死甘
仇劒何惜無屍去就棺風激濤聲天地慘波涵月
色斗牛寒而今俎豆春秋祀還望褒嘉玉宇頒

陳氏二十四都永居女孫方笄嘉靖十二年流賊入鄉
掠其家搜女嫂污之次及女女堅持不從賊脇之以
刃傍有老嫗曰姑從之免爾死女厲哭聲言罵其嫗
爾畏死耶一生寧不死哉賊搜之以手爪傷賊面罵
之愈厲賊大怒肢解其身備極慘酷

陳月順昌女適夫張文宗正統十三年草寇大亂執氏

欲獻賊首過西渡紿賊曰汝今繫我我告汝主帥必
將譴汝賊懼釋繫舟至中流氏投水死

陳菊香永安女嫁賴孫盛爲妻盛沒於灘氏年念四遺
孤甫三歲聞訃號泣累旬夫柩歸治喪畢卽自縊聯
磨不磷涅不緇賢哉節婦尤爲萬古植三綱

死猶生亡猶存慰矣良人却在九泉含一笑

陳氏招男姑貢川女鄧林彩妻嘉靖庚申流賊劫貢川
招男被執詈賊延頸求死賊怒叢刃之棄死溪中

陳氏四姑沙縣馬坑穗女也年十八穗夫婦相繼卒遺
二弟長名天生甫七歲次名天載甫五歲親族莫不

幸其死以利其有氏遂矢志不嫁撫弟二人居常置茗簞數十把酒食時具忽一寒夜有族人謀乘夜黑叩四姑戶四姑燃簞隱照皆族之兄弟也亟啟戶具酒食款之叩戶者急告曰吾適夜行滅火來汝處求明耳自知有備遂絕害意及二弟成立婚娶畢年幾四十五乃嫁終無子二弟迎歸母事之及沒廟祀之曰義姑

陳氏貴姑沙縣女年十七適謝鶚甫六月而鶚卒時貴姑已娠憑屍哭曰吾不從汝死以汝老母左且望延謝氏一息也及生子應元曰吾夫不死矣屏脂澤甘

粗糲冰蘖自守孝奉其姑教子成立應元登嘉靖丙午鄉科當道先後表之

陳氏端姬永安女年十九適賴元爵未幾夫卒僅遺腹子矢志堅操撫成孤弱六十二而終縣學匾旌之

陳氏尤溪女適舉人蔡文盛夫未仕而卒氏年二十四遺孤綸尙孩家無儋石矢志冰霜紡績教子比綸遊庠至癸亥歲貢歿於他鄉媳楊氏遺孤夢暘姑媳誓死靡他形影相吊朝夕拮据惟暘是育是誨萬厯庚子暘舉於鄉陳氏七十有九楊氏六十矣內外稱頌終始無議縣公趙佑卿匾旌名門雙節

陳氏將樂女適夫光德早沒氏養姑撫子閨內肅如中
外稱羨事聞司理吳家瑞匾旌

陳氏南平女適夫魏雲鼎生子香世甫襁褓鼎廢疾氏
力持弗懈及病革謂氏曰汝少孤雛守否自裁氏痛
不欲生矢志不二時年僅二十撫孤荻晝期以顯揚
爲勵每夜誦相伴績紡少長方許外傳閨閣準繩聲
不聞閩外而蹈道依仁人稱賢節

陳氏順昌女年十六適儒士范耿吾迄二十五而耿吾
卒斷髮自矢紡織課子寒暑不輟已子朝暎列郡庠
後入太學妾子朝璞撫如已出亦列邑庠按院成

旌其門貞節貽芳

煇祖永安人妻王氏英嘗謂其嫂馮氏曰嫂以幽閑貞靜之德婦道母儀卓然昭著吾將倣焉及適煇祖未幾夫以狂逝呱子邦基氏矢志守貞二十

餘年事姑以孝處妯娌以和其勁節與其嫂賢孝之名無二有司扁旌之

熙大田人娶張氏秀使甫三載而熙歿氏年二十二守節不二遺腹生宜善撫之底於成立五十八卒德化縣許仁匾其門曰貞節

雲鵬沙縣人歷東璵之子娶知州曾侗女淑貞時璵通

判宦田州鵬徃任省父歿於南寧官舍柩歸氏哭絕者再時年二十五遺孤世芳甫一歲矢志不再撫育遺孤雖有諷之改適者氏不聽璵棄官歸業益落破奩具以瞻饗飡督世芳以世其家前祭酒謫郡同知陸深旌其門

瑞南平人妻吳氏年十九夫亡舅姑怜無子諭以他適氏以死誓竟不奪苦守垂五十年七十一卒巡按上其事詔建坊旌之

釗永安庠妻李氏壽娘夫卒無嗣氏年二十三翁以姑亡而勸之他適氏泣言曰妾聞烈女不嫁二夫況夫

之兄弟俱喪翁有祖姑尙存相倚爲命安忍須臾離也善事祖姑與同寢處至八十有五卒

選士安砂人妻鄭氏歸未二載生子甫三朝而夫卒氏哀毀欲絕或爲解曰死易立孤難而爲其易嘔匕失所恃矣氏強起悉焚綺麗教育孤子以有成益藩聞其節賁額漿之

并題以詞曰

著之於易從一而終稽之於禮爰有三從守禮一意今古所同維彼存孤美哉母功以爲女紀俾仰休風

羅洪先吉水人字念庵代邑博李鳳竹壽陳門節婦羅氏六旬詩

自誓心如石亡生幸有存青天懸日月白髮見兒孫
秋草荒乚壠菱花寂乚闌安邑貞節婦不外豫章門

婦係浮流後山太二公後

尙麟王珮人妻黃氏年十八生子三日而夫喪矢志不貳翁慮氏年少難守欲氏自便籌至氏哭曰黃氏仙娘不敢遽以死殉夫者爲此一孤也公將難容媳必以此轎作棺也翁見媳志堅遂止黃氏居處小樓紡

織足不踰閭事公姑育孤兒克終厥節

期賢浮流後山人繼娶閨女連閨娘期賢卒遺孤萬賓
萬定氏矢志撫育成立無議壽七十餘

豐盈貢川人妻聶才娘年二十七豐盈卒遺孤尚賓甫
九歲龍賓甫六歲矢志守節三十餘載二孤成立卒
年六十餘

仕亨浮流文筆山人任茅坪妻范長娘仕亨早逝遺孤
任范氏志堅守節撫孤長成清初城破任泗水死之
良能後山人妻賴氏夫死守孤釗釗娶李氏釗亦早喪
李氏志堅守節姑媳苦節有雙節傳

奇生東谿人邑庠嘉言之孫幼聘縣庠黃裳女後沾疾
莫舉祖嘉言恐悞黃女托親欲裳另擇佳配裳喜將
許入告於室女泣言曰姻緣夙定病疾命招不幸夫
疾兒之命也因夫疾以議改盟德之醜也愿歸陳門
甘苦同之否則兒必死從言畢遂入室堅門不出父
見女志勁節難奪於是歸陳及歸夫嬭舉案熙如奇
生以疾不能種植家事莫持黃氏拮据勿怠未幾疾
篤早逝遺孤有二矢志撫育家貧憂勤萬狀志操愈
堅克終完節惜乎鄉紳未舉致德未旌今紀於譜以

彰女德